

JUNIOR SECONDARY CERTIFICATE

OSHIKWANYAMA FIRST LANGUAGE

1104/1

PAPER 1 Reading and Directed Writing

2 hours

Marks 60

2018

Additional Material: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Candidate Number and Name in the spaces on the Answer Book.
- Write in dark blue or black pen.
- Do not use correction fluid.

- Answer **all** questions.

- Pay attention to spelling, punctuation and sentence structure.
- The number of marks is given in brackets [] at the end of each question or part question.

OMALOMBWELO NOMAUYELELE KOVAHONGWA

- Nyola omanyamukulo oye mEmbo IOmanyamukulo olo wa pewa.
- Nyola Onomola yEkonakono nEdina loye kEmbo loye IOmanyamukulo.
- Nyola nopena imbulau ile ilaula.
- Ino longifa okadimifo komeva.

- Nyamukula omapulo **aeshe**.

- Kotokela esipelo loitya, elongifonawa loileshifo netungo lomatumbulo.
- Omwaalu witwa owa yandjwa moikondekifombine [] konima yepulo keshe ile yoshitukulwa shepulo.

This document consists of 7 printed pages.



Republic of Namibia

MINISTRY OF EDUCATION, ARTS AND CULTURE

OSHITUKULWA SHA-A

Lesha nawa okaleshwa taka shikula u dule okunyamukula omapulo taa ka pulwa.

Efindano okewiliko liwa

Luhapu ovanhu ohava pewa oinakuwanifwa i lili noku lili ndee otava nyengwa oku i wanifa po. Etemba ohali dulu okuya momunoko tashi dulika li kale lihe na oukolele mulo vene ile tali etelwa ounghundi konani imwe, shaashi omukulu wonale okwa tile mwene woita ngee okwa tewa nena aveshe ova tewa.

Ofikola yedina Ouleli moshikandjohongo shaNyuuulae oya shiivika nawa omolwoilonga yayo tai hokwifa. Ehongo pofikola ei, ola kala tali ende nawa; keshe umwe oku shi oshinakuwanifwa shaye. Elelo lofikola ola diinina omikalo, onghee ounona aveshe ova tekulwa konghenda nokehandukilo ngaashi omwiimbi ta ti. Oufemba wovanafikola owa fimanekwa, ndee tava udifwa ko oinakuwanifwa yavo. Ediinino lefimbo, ewanifepo loinyangadalwa nefimaneko lovakulunhu nounona vakwao, oya kala tai dana onghandangala inene.

Ofikola oi na ekwatafano liwa ito li pewa pokati kovahongi novahongwa, pokati kovahongi novadali nomudingonoko aushe moshitukulwa shehongo shaHangwena. Ovadali keshe efiku okakaku oke yadi edu tave ya okutala oinyangadalwa younona vavo, vo va ude eshi tashi linyenge monghalo yomaludalo avo, opo va vyule oshiti fimbo shitalala. Luhapu ova ninga omwiifanwa itavela, pamwe oto ka pewa ondjebo, unene tuu poyoongalele yovadali. Kombinga yovahongi otava longo vehe na olufuwo kutya nee okonima yeetundi, omexuliloshivike ile omefudo, shiti na tekele mbudje, omanga omakwafo a yooloka taa kunguluka okudja apa naapenya momudingonoko wofikola.

Omudo nomudo, epito liwa ola kala tali dana onghandangala pofikola ei, ndee omapapa apeshe opo. Eefikola dOkoitukulwa yehongo imwe ngaashi Oshikoto, Omusati nOshana oda kala nokukondja di tale ngee enongo taa fe ongobe, ndee otava nyengwa okumona oshiholekwa shofikola, Ouleli, apa naanaa shi li. Ovakulunhufikola vahapu va teta ko eexwiki doukadona tava ti pamwe odo tadi piyaaneke elihongo lavo, vo vamwe tava londeke ofuto yofikola, opo vati va lande oikwafifohongo ya wana, tava ningi ngaho uha kendabala ku findi.

Omido otadi endelele ko, oko ngoo keedula tadi ngongola da fa eshina li li kolutenda. Eedula domukulunhufikola pofikola Ouleli omushamane Shawana Nambili, oda hanga pexulilo nokwa ya moshipundi shetulumuko. Omudo oo opwa li oupyakadi, shaashi omudingonoko aushe wofikola ou wete Namhongo e u ekela shi, ashike ovahongi ova li nomukumo wokutwikila noilonga.

Pamulandu wepangelo ngee omunashilonga a i moshipundi shetulumuko ponhele yaye ohapa tulwa umwe. Omalongekido okwa ningwa nomukulunhufikola mupe pofikola pOuleli, omushamane Mahwanu yaNghinyangelwa, okwa nangekwa. Mokuhovela oilonga yaye okwa li a hafa mokuuda ondjokonona yoilonga yofikola ngee ya kala nokuwifa vahapu koipundi. Ofikola nande oya li melandulafano liwa ope na oinima ihapu oyo a li ina hafela. Okwa koneka omatalelepo ovadali mahapu unene, ounona va mbadamekwa nova kufwa oufemba wavo noshu yo omukalo wovanailonga pamwe naye wokuya mombelewa yaye unene. Okwa tokola a ningile ovakufimbinga va yooloka oyoongalele diva, opo a holole omadiladilo nomatokolo aye, shaashi oikwatakata ohai nyika edilo.

Mewiliko laMahwanu yaNghinyangelwa, ovahongwa ova pitikwa okufika konima yovili imwe ofikola ya ya mo, opo shi kwafele ava hava di kokule. Ovahongwa ova pitikwa vaha handukilwe nande inava ninga oifiilwalonga yavo, shi yambidide ovo vehe na omalusheno komaumbo. Pefimbo lokafudo ovahongwa ohava pewa okamhito va ka konge oushikepengeyo vavo peendingosho dopopepi, shaashi pofikola ope na ondjala. Ovahongi ova takelwa omunwe kombinga yokuhonga ounona konima yeetundi, mexuliloshivike ile mefudo, shaashi otashi hepeke ovahongwa ovo navo va pumbwa okufuda po nokufika komaumbo kuyela.

Onghalo yofikola oya lunduluka neenghono. Efaulo ola ninga oshikuvila shefiku keshe okwa tya u ambe oimbungu, noinghundi ohai tokelelwa. Oyoongalele yovahongi novadali kai fi vali omhito iwa yokupaafana omayeke nokukundafana exumokomesho lofikola, ndele oya ninga omhito yokulifufila okadu. Ovahongi pofikola oto hange ashike ve li mougudu voovavali noovatatu tave di tula peenhele, manga ounona va halakanena oluumbo alishe lofikola nomalwoodi mokati kovahongwa okwa tana.

Ofikola ei Ouleli, nande vahapu ve i shiiva oyo hai uya yotete, otai monika nena oyo ya etelela okano. Keepelesenda 100% oya wa ko neepelesenda 80% ndee tai uya peepelesenda 20%. Omuwiliki wehongo meme lihuna, nomutalelishikandjo tate Twalulilwa ova li va kumwa keshuno pedu loidjemo oyo nova kunghilila ofikola i longe nouidiinini i dule okuhanga eepelesenda 50% omudo tau landula ko. Vamwe vomovadali ovo tava lalakanene omaludalo avo a ka kale sha moshwana monakwiiwa, ova udifwa nai komalunduluko aa, nova tembula po ounona vavo, omanga vamwe vomovahongi vava va tembukila keefikola dimwe. Opwa pumbwa okuningwa sha shihapu opo ofikola Ouleli i alukile kouwa.

Oshinyangadalwa 1

Hoolola enyamukulo lomondjila komapulo taa shikula. Shanga ashike onomola yepulo nondada omo mu na enyamukulo lomondjila. Ngaashi: **1D**.

1 Ofikola Ouleli oi li mOshitukulwa shEhongo shilipipo?

- A Oi li mOshitukulwa shaHangwena.
- B Oi li mOshitukulwa shaMusati.
- C Oi li mOshitukulwa shaShana.
- D Oi li mOshitukulwa shaShikoto.

[1]

2 Eenghendabala dilipipo da ningwa keefikola dokoitukulwa imwe, opo di nawapaleke oidjemo yado?

- A Odokuningila ovakufimbinga oyoongalele.
- B Odokupitika ovadali va tale oilonga younona.
- C Odokupitika ovahongwa va fike va tokelwa.
- D Odokuteta ko eexwiki doukadona.

[1]

- 3 Omolwashike onghalo yofikola Ouleli ya li ya lunduluka neenghono eshi pe uya omukulunhufikola mupe?
- A Osheshi ofikola okwa li hai piti nawa.
 B Osheshi okwa li ta lele ofikola noshiyele.
 C Osheshi ovadali okwa li hava talele po ofikola luhapu.
 D Osheshi ovahongi kava li nomukumo. [1]
- 4 Oidjemo yopofikola Ouleli oya shuna pedu neepelesenda ngapi?
- A eepelesenda efele
 B eepelesenda omilongo hetatu
 C eepelesenda omilongo mbali
 D eepelesenda omilongo nhano [1]
- 5 Ofikola Ouleli oya kala hai mono omakwafo taa di peni?
- A Okwa kala haa di komukulunhufikola.
 B Okwa kala haa di momudingonoko wofikola.
 C Okwa kala haa di koomwene womukunda.
 D Okwa kala haa di kovahongi pofikola. [1]
- 6 Oshike kwa li sha hafifa omukulunhufikola mupe eshi a tameka oilonga?
- A ediinino lefimbo.
 B ekwatafano liwa lovadali nofikola.
 C ewanifepo loinyangadalwa kovanafikola.
 D ondjokonona iwa yoilonga yofikola. [1]

[6]

Oshinyagadalwa 2

- 7 (a) Tya **Osho** ile **Hasho** komatumbulo taa shikula:
- (i) Ewiliko laNambili ola li la fimaneka oufemba wovanafikola. [1]
 (ii) Ovahongifikola aveshe ova tembuka po pofikola Ouleli. [1]
 (iii) Ofikola Ouleli oi li mOshikandjolonge shaNyuulae. [1]

- (b) Oitya i li mu-**A** i twifa kumwe noutumbulo ve li mu-**B**. Nyola ashike onomola yepulo nondada omo mu na enyamukulo lomondjila.

A		B	
(i)	efaulo	(a)	ohava pewa oshikundu va nwe
(ii)	ovahongi	(b)	keshe efimbo okakaku oka yada edu
(iii)	ovadali	(c)	ola kala momukunda Onyuulae
		(d)	ola ninga omungome wefiku keshe
		(e)	ova takelwa omunwe

[3]

[6]

Oshinyangadalwa 3

- 8 (a) Okokutya ngahelipi:

(i) Va tale ngee enongo taa fe ongobe. [1]

(ii) Uha kendabala ku findi. [1]

(iii) Oikwatakwata ohai nyika edilo. [1]

- (b) Omatumbulo taa shikula a nyola meteelelwafimbo.

(i) Omalongekido okwa ningwa komukulunhufikola. [1]

(ii) Ovanhu otava nyengwa okuwanifa po oinakuwanifwa. [1]

- 9 Ewiliko lilipipo wa panda lomovakulunhufikola ava vavali wa dja nokulesha mokaleshwa aka? Shi koleka noitwa **itatu**. [3]

[8]

[20]

OSHITUKULWA SHA-B

Lesha nawa okaleshwa taka shikula, u dule okunyamukula omapulo taa ka pulwa.

Kalunga osho e ku nunina ihe shi li po

Ngenohaame omushamane a kala momukunda Onhokolo popepi neengaba daNamibia naAngola. Okwa li e na omonamati, Nghisheefa, oo pedalo laye a didilikwa kutya okwa nyika oku ka kala omunaendunge osho sha ulikwa kokulila kwaye kwotete. Ovadali ova kala noku mu pukulula alushe ngee a hala okuninga oinima iha fele. Ngee e li nounona vakwao okwa kala he va lombwele kutya ngee a kulu ota ka longa omaonda oshimati sha pama, nokwa hala nokuli a ka lande otuwa yaye, ye a ka hombole omukulukadi waye womunashilonga. Ohe va lombwele yo nokutya meumbo laye okwa hala mu ka kale ombili nelandulafano.

Nghisheefa osho a hovele enongelo ndele mofikola kali ha eta mo sha, molwaashi okwa li e na omutwe mukukutu. Nonande okwa li ha lesa ta kondjifa alushe, oye ngaho ha etelele okano. Mokuundavaula ngaho mofikola okwe ke likonda mo. Konima yokafudo kotete kokomudo mofikola ina alukila mo vali, Nghisheefa a twa daKaribibi, oko kwa kala xekulu mumwaina waina.

Okwa hovela okukonga oilonga efiku tuu olo a penduka moKaribib. Elao omunhu e li na, Nghisheefa okwa enda omupadi welao nokwa fikila ta mono oilonga mehangano ledina Coca-Cola. Oilonga ei, okwa li hai futu nawa noha kala a hafa. Oimaliwa yaye okwe i tuvikila nawa, a ka wanife po osho sha kala momadiladilo aye. Konima yeedula donhumba Nghisheefa onghalo yomoshilando osho ye mu nyenge, ndee tai mu dimbwifa oilalakanenwa yaye.

Efiku limwe omolwondubo, ovanailonga vakwao vamwe ova pangela ve mu twale momeva neenghaku. Ova lombwela Nghisheefa va ka talele po keumbo laumwe womovanailonga vakwao. Nghisheefa okwa li e shi hafela neenghono, molwaashi alushe konima ngee a dimbuka oha kala ashike meumbo oye aeke. Eshi va fika mukwao omo ve mu hanga, naashi e va mona okwa li ashike ta nyota edu, e wete onduge yavo ya findana. Ova hovela okudenga odungo yoMungolo, ngolongo ye va ya meengolo. Nghisheefa mondjato osho a i mo eenyala, opo a lande omalodu. Okwe a futa naanaa ndele ta kofa mo filu, osho sha kala momadilongo aye. Vakwao ova li ve wete ngehe onduge yavo ye shi mana nande inava lya omunhu. Nghisheefa osho a ningi ombuvi yomalodu nomakaya, ovafuko venya ihe va toka nomeisho. Efiku omwedi tau fi olo efiku he lixulu oshimaliwa meke. Nghisheefa etemo osho e li ufa momupini molwokunwa kwaye, ha pilamene oilonga pomafiku ekwato nande oule woshivike. Xekulu e mu kumaidile yo tuu, ndele kemanya ku dj' ondwi.

Nghisheefa osho a diladila okushuna keumbo ndele ke na oimaliwa yolefa. Kuxekulu okwa tila ko, shaashi eshi kwa li ta kumaidwa iha pupu ko. Xekulu naye osho a luliwa konghalo yomutekulu, ndele te likufa oshimaliwa, a futile omutekulu olefa, opo a ye kedu loimhungu.

Mondjila okwa enda tau omapoli. Eshi va fika mOshakati okwa kwata olefa a ye kOnhokolo. Eshi a fika meumbo, ovadali okwa li tava kwena eenghali domona ina fya. Okwa li tava diladila kutya pamwe okwa nyonwa, onghee ova tokola, opo ve mu twale povanongonhu. Ova pulwa okaxuxwa kalaula foko kehe na nande okavala. Eshi inave ka mona ova konga po vali onduge imwe, opo ve mu kongele omuxungimwenyo, pamwe enongo taa fe ngoo ongobe. Shilishili konima ashike yomwedi umwe, oiimati iwa notai hokwifa oya holoka. Keendingosho iha i ko novali, venya ovafuko nondjodi ihe va tu vali.

Ediladilo lokuhombola olo la kala mo muye ola kula nokwa pula a kongelwe okakadona. Osha kala elipulo linene laapa ta hange omambabi, opo a hombole.

Kalunga iha efa ovanhu vaye. Efiku limwe eshi a ya kOshakati okwa pita mepandavanda limwe ndee te litu metungo laCoca-Cola. Omunailonga umwe va longele naye koKaribib okwe mu mona nokwe mu dimbulukwa, ndee te mu ifana. Konima eshi va paafana omahokololo, omunailonga okwa popya naFolomana waye, opo a pe Nghisheefa oilonga. Molwaashi omwa li mwa pumbwa omunailonga, Nghisheefa a mona vali oilonga. Okwa konga okakadona kaye kokapangi. Ovadali vaye moku shi mona ova li va hafa shambishi meumbo mwa tomwa. Konima keshe umwe okwe lilombola nokuli. Nghisheefa osho a hambola. Inava kala mo mooxe, ova ka ninga lavo modoolopa yaShakati. Onghalo oya kala tai va endele nawa. Nghisheefa osho va lande ohauto yavo. Kalunga okwe va pa omaano ounona vane ovamati noukadona. Eumbo eli ola kala la punikwa kOmwene. Ohole, ombili nelandulafano ou li omungome wefiku keshe meumbo eli fiyo onena.

Oshinyangadalwa 1

- 10 Pakaleshwa omaupyakadi elipi a ka hanga Nghisheefa konima eshi a ya koKaribib? Yandja **atatu**. [5]
- 11 Pofikola yeni ope na omuhongwa e na omutwe mukukutu ngaashi naanaa waNghisheefa, noha diladila okufiya po ofikola. Noitwa **itatu** popya nghee to mu kwafa. [4]
- 12 Pamadiladilo oye oshike wa tala tashi dulu okukaleka onghalamwenyo yoye mouwa? Shi hokolola noitwa **ine**. [6]
- 13 Ngeno oove wa li omudali waNghisheefa oo a dja komaonda e li monghalo tai limbililike, ngeno owe mu kwafa ngahelipi? Shi ulika noitwa **itatu** ya fatuka nawa. [5]
- [20]

Oshinyangadalwa 2

- 14 Ove omuhongwa pofikola yonhumba, oto nyengwa koihongwa yoye mofikola. Omafimbo amwe oho diladila okufiya po ofikola. Owa tokola, opo u shiivifile umwe womovahongifikola voye, oo we lineekelela oupyakadi ou. Shanga nee eenghundafana deni, u mu holole oupyakadi woye.

Omupopi keshe na popye oikando **ine** inamu kwatelwa omapopifafano. [20]